

四、实行录

玉溪公字子明原籍豫章吉安府卢陵吉水太和交界之处元时宦处南昌丰城来任湘阴之三峯掌洞庭水利兼榷关值湘乡刘贼猖獗公与兄子光凭射渡山桥以射贼殲焉乔口两岸居民感之为立光明箭明两寺於南立保安平安两寺於北是公殆以文职擅军功得邀封袭歿葬长邑万寿都茭塘之将军山遂开楚南曹氏族

受三公讳懿江号过齐除元达鲁花赤即汉唐之刺史也明洪武初徙益阳携妻奴数人书数十卷牛一耳落业县治之东南三十里地名凤凰湖开数百年耕读之源详见传

受五公讳懿海因父墓茭塘遂家於万寿都之黄花舖一子二孙在公为初生之隄而引之勿替甲於帑支非积累深厚何流泽如是之长也

秀三公讳汝松好善乐施以承先啟后为事故近焉双傑挺生远焉百派濬发莫不自一人之身以培其本而厚其源

必贤公原名必九贅独木桥张公荣伍家荣伍儿息晚爱公如己子析产之半予公公不受强贍之公佩张德为厥子持门户如亲昆弟大都具挥霍之才者今两姓犹比邻称世戚云

必十一公从兄弟十二以必贤两字为派公合派行称必十一单名贵秀三公长子自黄花舖徙居株山勤俭创业族由此滋大生二子俱有声庠序一时称盛焉

贤十二公单名良必十一公之胞弟性倜傥才力兼优明初太祖南征公以十二渔舟迎驾洞庭有功授指挥使由湘阴之三峯移关乔口为署自是先绪益恢而乔口之蹟所由始也

彦高公明初自株山迁居麻林礞必七公之长子性慨慷乐善不倦正统十年曾与彦春文斌文通文秀伯仓诸公铸神炉於石塘寺公子一义宗孙一均万曾孙一永玉相继於鹤仙专卖店同诸族公铸钟斯足徵公之善行引之弥长而勿替

彦祥公刺史受三公之曾孙三峯玉溪公乃其高祖其才猷足以担荷当世之务靖难之際兵燹薦兴遂绝意仕进弃先人旧田庐自南道塘徙河底所置陇畝数计千顷子孙蒙其故业至今世守之曹家河之名實由公始

彦达公邑庠生生平喜读书遂以书香啟家焉

彦尧公号巍峯明初文教正开而公早遊府庠嗣教其子登贤书遂大啟后代诗礼之绪

彦华公字继舜邑庠生明成化间通族建宗祠於仙鹤形山併创佛堂因题曰鹤仙寺岁甲辰置大钟焉族人襄事者凡百餘公实为之首所谓訇洪声於先路振遺响於方来者也

彦端公曾与彦华公倡铸鹤仙寺钟又於龙王嶺倡建庙塔亦鑄有钟以镇株山水口虽明末燬於左兵其遺蹟犹可溯也是诚乐善不倦者宜其后之光远而有耀欤

彦靖公字立青 例贈文林郎为攔江房之祖以诗书韬略传家故子为文孝廉任江阴县事孙登武甲榜任京淮其福泽之绵长后裔尤称蕃衍焉